



---

Astudiaethau israddedig mewn

# **Daearyddiaeth, Gwyddorau Daeear ac Amgylcheddol a Chymdeithaseg**

---

# Cynnwys

Croeso	t.1
Ein cyrsiau	t.2
Astudio trwy gyfrwng y Gymraeg	t.18
Cyflogadwyedd	t.19
Ymchwil	t.20
Cyfleoedd byd-eang	t.23
Y broses ymgeisio	t.24



## Croeso

Mae'r Adran Daearyddiaeth a Gwyddorau Daear ymysg y mwyaf a'r mwyaf profiadol o'i math yn y Deyrnas Unedig. Mae'n arbenigo mewn ystod eang o themâu ar draws y gwyddorau naturiol, ffisegol a chymdeithasol. Yn ddiweddar rydym wedi dathlu canrif o ddaearyddiaeth yn Aberystwyth, ac rydym wedi bod yn dysgu Gwyddorau Daear hyd yn oed yn hirach! Yn 2024 roeddem yn y 10 uchaf yn y Deyrnas Unedig am Brofiad Myfyrwyr ac Ansawdd y Dysgu ym mhwnc Daearyddiaeth a Gwyddor yr Amgylchedd (Canllaw Prifysgolion Da 2024, The Times and Sunday Times).

Mae gennym draddodiad maith o gynnis cynlluniau gradd cyfoes a chyffrous, ac wedi ychwanegu cymdeithaseg at ein portffolio'n ddiweddar, ar sail dros 100 mlynedd o ymchwil arloesol yn y gwyddorau cymdeithasol ym Mhrifysgol Aberystwyth.

Mae'n staff yn angerddol ynglŷn â'u gwaith. Maent yn ymchwilwyr a darlithwyr ymroddedig, llawer ohonynt yn flaenllaw yn eu priod feysydd. Mae eu gwybodaeth uniongyrchol o'r byd yn bwydo'n cyrsiau israddedig drwy amryw o themâu arbenigol.

Rydym yn darparu amrywiaeth o gyfleoedd dysgu ichi, boed mewn darlithfa, dosbarth seminar, tiwtorial, mewn labordy neu ar gyrsiau maes. Cewch eich asesu mewn amryw o ffyrdd, gan gynnwys arholiadau, adroddiadau, cyflwyniadau, fideos a thraethodau, bob

un ohonynt wedi'u dylunio i wella'ch sgiliau pwnc-benodol, personol a throsglwyddadwy. Yn ogystal â myfyrwyr bodlon iawn, rydym bob amser wedi sicrhau hanes da o ran cynhyrchu graddedigion cyflogadwy iawn ac mae ein graddedigion yn mynd i weithio mewn ystod eang o yrfaoedd, neu yn astudio am raddau uwch.

Mae rhagor o wybodaeth am ein cyrsiau a'n cyfleoedd eraill ar gael drwy'r llyfryn hwn i gyd, a hoffwn eich annog i ymweld â ni ar Ddiwrnod Agored neu Ddiwrnod Ymweld i Ymgeiswyr er mwyn gweld drosoch eich hun beth sy'n gwneud Aberystwyth yn lle mor anhygoel i astudio ynddo.

**Dr Hywel Griffiths**  
Yr Adran Daearyddiaeth a Gwyddorau Daear

### Gwybodaeth bwysig

Roedd yr wybodaeth a gyhoeddir am y rhaglenni gradd yn y llyfryn hwn yn gywir pan anfonwyd y ddogfen i'w hargraffu (Hydref 2024), ond fe allai newid. Cynghorir darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs, gan gynnwys ein gofynion mynediad, cyn gwneud cais, er mwyn bod yn sicr fod y cynllun yn addas i'w gofynion.

# Ein cyrsiau

## Anrhydedd sengl

Cymdeithaseg	t.3
Cymdeithaseg a Gwleidyddiaeth	t.4
Daearyddiaeth	t.6
Daearyddiaeth Ddynol	t.8
Daearyddiaeth Ffisegol	t.10
Gwyddor Daear Amgylcheddol	t.12
Gwyddor yr Amgylchedd	t.14
Seicoleg a Chymdeithaseg	t.15
Troseddeg a Chymdeithaseg	t.16
Graddau Cyfun	t.17

## Cymdeithaseg

BA (Anrh) | L300 | 3 blynedd

Bydd y radd BA mewn Cymdeithaseg ym Mhrifysgol Aberystwyth yn eich hyfforddi i ddatblygu ymwybyddiaeth feirniadol o'r byd cymdeithasol, a byddwch hefyd yn dysgu sut i ymwneud â'r byd hwnnw.

Trwy astudio'r cwrs hwn, byddwch yn datblygu gwybodaeth drwyadl am y dulliau cysyniadol a damcaniaethol y mae cymdeithasegwyr wedi'u defnyddio i astudio'r byd o'n cwmpas. Byddwch hefyd yn datblygu eich gallu i ddadansoddi ffenomenau cymdeithasol trwy gyfrwng hyfforddiant mewn casglu, dadansoddi a chyflwyno data cymdeithasegol.

Byddwch yn elwa o:

- brofi gwerth ac arwyddocâd hyfforddiant ar ddulliau ymchwil ym maes Cymdeithaseg, gyda goruchwyliaeth o ddulliau ymchwil ymarferol ac wythnos ddwys o gasglu data dan oruchwyliaeth ym mlwyddyn 2
- dysgu sut i ddefnyddio'r cysyniadau allweddol sy'n gysylltiedig â Chymdeithaseg mewn sefyllfaoedd go iawn, a datblygu eich sgiliau cyflogadwyedd
- dysgu o'n cryfderau ymchwil i sicrhau eich bod yn elwa o ddirnadaethau damcaniaethol ac empirig arloesol a ddadansoddir o safbwynt cymdeithasegol.

### Cyflogadwyedd

Mae ein gradd mewn Cymdeithaseg yn sylfaen dda ar gyfer ystod eang o yrfaoedd gan gynnwys y cyfryngau, gwaith cymdeithasol, datblygu rhyngwladol, cyswllt cymunedol, a'r gwasanaeth sifil ymhlith llawer mwy. Y dyddiau hyn, mae cyflogwyr yn chwilio am raddedigion a chanddynt sgiliau amrywiol, yn cynnwys y gallu i feddwl yn ddadansoddol ac yn ochrol. Bydd y radd hon yn rhoi ichi amrywiaeth o sgiliau hyblyg, a dyna pam mae graddedigion Cymdeithaseg yn apelio at gyflogwyr yn genedlaethol.

## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Thinking Sociologically
- Key Concepts in Sociology
- Introducing Sociological Research
- Place and Identity

### Yr ail flwyddyn:

- Genders and Sexualities
- Sociological Theory
- Placing Culture
- Sociological Research in the 'Field'

### Y flwyddyn olaf:

- Traethawd Estynedig Cymdeithaseg
- Everyday Social Worlds


Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Lleoli Gwleidyddiaeth


I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

## Ffeithiau Allweddol

 **Cynnig nodweddiadol:**  
Pwyntiau tariff UCAS: 120-96  
BR: 30-26

 **Pwyslais marcio:** 80% gwaith cwrs, 20% arholiadau

 **Teithiau/gwaith maes:** Nac oes

 **Ar gael hefyd:**  
**L302** Blwyddyn integredig yn astudio dramor  
**L303** Blwyddyn integredig mewn diwydiant  
**L30F** Blwyddyn sylfaen integredig

# Cymdeithaseg a Gwleidyddiaeth 48 ar gael drwy'r Gymraeg

BSc (Anrh) | LL32 | 3 blynedd

Bydd ein gradd Cymdeithaseg a Gwleidyddiaeth yn eich galluogi i ddatblygu ymwybyddiaeth feirniadol o'r byd o'ch cwmpas trwy astudio'r dirwedd gymdeithasol yn ogystal â'r dirwedd wleidyddol. Byddwch yn dysgu am y dulliau cysyniadol a damcaniaethol a ddefnyddir gan gymdeithasegwyr i astudio'r byd. Ar yr un pryd, bydd eich archwiliad o'r byd gwleidyddol yn rhoi gwybodaeth ichi am ddylanwadau gwleidyddol ar normau a phrosesuau cymdeithasol.

Ar y cwrs hwn byddwch yn dysgu sut i edrych yn feirniadol ar y byd, trwy ddadansoddi ffenomenau cymdeithasol a thrwy ddysgu sut i gasglu, dehongli a chyflwyno data cymdeithasegol. Byddwch hefyd yn darganfod sut mae gan wleidyddiaeth y gallu i newid bywydau, yn dysgu am y syniadau mawr sy'n llywio ein bydoedd cymdeithasol, economaidd a gwleidyddol, a sut mae'r syniadau hyn yn dod yn bolisiau.

Byddwch yn elwa o:


- brofi gwerth ac arwyddocâd hyfforddiant dulliau ymchwil mewn Cymdeithaseg, gyda gorchwyliaeth ymarferol ar dulliau ymchwil ac wythnos casglu data dwys dan oruchwyliaeth ym mlwyddyn 2
- dysgu sut i ddefnyddio'r cysyniadau allweddol sy'n gysylltiedig â Chymdeithaseg mewn sefyllfaoedd go iawn, a datblygu eich sgiliau cyflogadwyedd
- ymwneud yn feirniadol â dadleuon am faterion allweddol mewn gwleidyddiaeth, fel llywodraeth dda, natur y wladwriaeth, cyfiawnder a hawliau, a threfn y gyfraith
- myfyrion ar sut mae gwladwriaethau a chymdeithasau yn mynd i'r afael â phroblemau gwleidyddol megis dosbarthu adnoddau cyfyngedig, y cydbwysedd rhwng trefn a chyfiawnder, rhyddid a diogelwch, hawliau a chyfleoedd, a rhwng pwerau ar lefelau lleol, cenedlaethol a rhyngwladol.

## Cyflogadwyedd

Mae graddedigion y radd Cymdeithaseg a Gwleidyddiaeth mewn sefyllfa dda i ymgymryd â rolau mewn amrywiol feysydd, megis y sector datblygu, gwleidyddiaeth leol a chenedlaethol, y gwasanaeth sifil, ymchwil gymdeithasol y Llywodraeth, gwaith cymdeithasol a pholisi cymdeithasol (gan gynnwys tai cyhoeddus, gweinyddiaeth llywodraeth leol a'r sector gwirfoddol), rolau yn y trydydd sector megis cyrff anllywodraethol ac elusennau, gwaith gyda sefydliadau rhyngwladol, cysylltiadau cyhoeddus a newyddiaduraeth, addysgu a rheoli.

## Ffeithiau Allweddol

 Cynnig nodweddiadol:  
Pwyntiau tariff UCAS: 120-96  
BR: 30-26

 Pwyslais marcio: 40% gwaith cwrs, 60% arholiadau

 Teithiau/gwaith maes: Nac oes

## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Y Tu Ôl i'r Penawdau
- Cyflwyniad i Wleidyddiaeth Ryngwladol 1: Cysyniadau Canolog a Sgiliau Craidd
- Key Concepts in Sociology
- Introducing Sociological Research
- Gwleidyddiaeth yn yr Unfed Ganrif ar Hugain
- Thinking Sociologically

### Yr ail flwyddyn:

- Sociological Theory
- Pobl a Grym: Deall Gwleidyddiaeth Gymharol Heddiw
- Sociological Research in the 'Field'
- Genders and Sexualities

### Y flwyddyn olaf:

- Everyday Social Worlds.
- Traethawd Estynedig Cymdeithaseg.

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Datganoli a Chymru

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.



# Daearyddiaeth



BSc (Anrh) | F801 | 3 blynedd

Mae ein cynllun gradd BSc Daearyddiaeth yn cynnig y cyfle i astudio dwy ran o dair o'r cwrs gyda'n tîm o ddarlithwyr Cymraeg. Ar y cwrs hwn, cewch astudio amrywiaeth o fodiwlau sy'n cwmpasu'r prosesau dynol a ffisegol sy'n effeithio ar y byd, a'r materion gwleidyddol ac amgylcheddol sy'n deillio o ganlyniad i'r ffordd y mae pobl yn ymdrin â'r ddaear.

Yn ystod y cwrs, fe gewch y cyfle i astudio themâu rhyngddisgyblaethol megis newid amgylcheddol a daearbryglon, ac mae strwythur y cynllun gradd hyblyg hwn yn golygu y gallwch ddewis arbenigo mewn maes penodol neu gynnal ehangder o ddiddordebau trwy gydol y cwrs, gan ganolbwyntio ar y themâu sy'n apelio ichi fwyaf.

Rydym yn cynnig amrywiaeth eang o gyfleoedd gwaith maes, gan gynnwys taith faes lleol yn rhad ac am ddim ar ddechrau'r flwyddyn gyntaf. Yn yr ail flwyddyn, rydym yn cynnig ystod o deithiau i gyd-fynd ag arbenigeddau a chyllidebau amrywiol. Ar hyn o bryd mae teithiau i Eryri (am ddim), canolbarth Lloegr (am ddim), Berlin (am gost ychwanegol) a Killarney (am gost ychwanegol). Yn ogystal â hyn cynigir teithiau undydd ar rai modiwlau trwy gydol eich gradd.

Byddwch yn elwa o:


- cael eich dysgu gan ymchwilyr sy'n cael eu cydnabod yn rhyngwladol yn eu meysydd arbenigol trwy gydol eich cwrs
- defnydd o gyfleusterau eithriadol i wneud gwaith dadansoddi cemegol a ffisegol mewn labordy, ymchwiliadau cymdeithasol a phrosesu data
- elwa ar ddsbarthiadau llai, lle ceir mwy o gyfleoedd i ddefnyddio dulliau addysgu ac asesu arloesol
- cefnogaeth ariannol, ar ffurf Ysgoloriaethau'r Coleg Cymraeg Cenedlaethol.

## Cyflogadwyedd

Mae cyflogadwyedd wedi'i wreiddio yn ein holl gysiau. Mae ein graddedigion yn hyblyg ac yn gallu dibynnu ar set o sgiliau trosglwyddadwy mewn economi fyd-eang sy'n newid yn gyflym. Mae graddedigion y cwrs hwn, er enghraifft, wedi dod o hyd i waith fel ymgynghorwyr amgylcheddol, cynllunwyr, gweithwyr sifil, tirlfesurwyr, ac addysgwyr.

## Ffeithiau Allweddol

 **Cynnig nodweddiadol:**  
Pwyntiau tariff UCAS: 120-96  
BR: 30-26

 **Pwyslais marcio:**  
65% gwaith cwrs, 35% arholiadau

 **Teithiau/gwaith maes:** Oes

## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Byw mewn Byd Peryglus
- Sut i Greu Planed
- Cefn Gwlad a'r Ddinas: Prosesau o Newid a Gwrthdaro
- Ymchwilio'r Byd: Casglu a Dadansoddi Data
- Earth Surface Environments


### Yr ail flwyddyn:

- Geomorffoleg Afonol
- Concepts for Geographers
- Dylunio Ymchwil a Sgiliau Gwaith Maes
- Physical Analysis of Natural Materials
- Geographical Perspectives on the Sustainable Society
- Astudio Cymru Gyfoes
- Ymchwilio i Bobl a Lle

### Y flwyddyn olaf:

- Rheoli'r Amgylchedd Gymreig
- Applied Environmental Management
- Everyday Social Worlds
- Glaciers and Ice Sheets
- Modern British Landscapes
- Cenedlaetholdeb a Chymdeithas
- The Psychosocial Century
- Volcanic Activity: Hazards and Environmental Change
- Traethawd Estynedig Daearyddiaeth

Ewch i'n gwefan i weld y modiwlau dewisol y gallwch eu hastudio i ddatblygu eich diddordebau arbenigol, neu cysylltwch â ni.

 **Ar gael hefyd:**  
**F800** Cwrs cyfrwng Saesneg.  
**F802** Blwyddyn integredig yn astudio dramor  
**F803** Blwyddyn integredig mewn diwydiant  
**F80F** Blwyddyn sylfaen integredig



# Daearyddiaeth Ddynol 53 ar gael drwy'r Gymraeg

BA (Anrh) | L700 | 3 blynedd

Mae Daearyddiaeth Ddynol yn ymdrin â rhai o'r materion pwysicaf sy'n wynebu'r byd heddiw – globaleiddio, datblygu cynaliadwy, anghydraddoldeb a thlodi, daearwleidyddiaeth, cenedlaetholdeb a rhanbartholrwydd, newid gwledig a threfol, a mudo.

Byddwch yn astudio'r prosesau hanesyddol y tu ôl i dueddiadau cyfoes, yn dwyn ynghyd safbwyntiau o wahanol wledydd a diwylliannau, ac yn defnyddio gwahanol ffynonellau, o fapiau ac ystadegau i ffilm, celf a llenyddiaeth.

Rydym yn cynnig amrywiaeth eang o gyfleoedd gwaith maes, gan gynnwys taith faes lleol yn rhad ac am ddim ar ddechrau'r flwyddyn gyntaf. Yn yr ail flwyddyn, rydym yn cynnig ystod o deithiau i gyd-fynd ag arbenigeddau a chyllidebau amrywiol. Ar hyn o bryd mae teithiau i ganolbarth Lloegr (am ddim) a Berlin (am gost ychwanegol). Yn ogystal â hyn cynnigir teithiau undydd ar rai modiwlau trwy gydol eich gradd.

Byddwch yn elwa o:

- astudio am radd sydd wedi'i hachredu gan y Gymdeithas Ddaearyddiaeth Frenhinol (gyda Sefydliad Daearyddwyr Prydain)
- cael eich dysgu gan ymchwilyr sy'n arwain y byd yn eu meysydd trwy gydol eich cwrs
- sgiliau a hyfforddiant proffesiynol trwy gydol eich cwrs gradd.

## Cyflogadwyedd

Mae cyflogadwyedd wedi'i wreiddio yn ein holl gyrsiau. Mae ein graddedigion yn hyblyg ac yn gallu dibynnu ar set o sgiliau trosglwyddadwy mewn economi fyd-eang sy'n newid yn gyflym. Mae graddedigion y cwrs hwn, er enghraifft, wedi dod o hyd i waith fel ymgynghorwyr amgylcheddol, cynllunwyr, gweithwyr sifil, tirlfesurwyr, ac addysgwyr.

## Ffeithiau Allweddol

**Cynnig nodweddiadol:**  
Pwyntiau tariff UCAS: 120-96  
BR: 30-26

**Pwyslais marcio:**  
75% gwaith cwrs, 25% arholiadau

**Teithiau/gwaith maes:** Oes



## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Byw mewn Byd Peryglus
- Newid a Gwrthdaro: Cynhyrchu Gofodau Gwledig a Threfol
- Place and Identity
- Ymchwilio'r Byd: Casglu a Dadansoddi
- Sut i Greu Planed

### Yr ail flwyddyn:

- Concepts for Geographers
- Dylunio Ymchwil a Sgiliau Gwaith Maes
- Lleoli Gwleidyddiaeth
- Placing Culture
- Geographical Perspectives on the Sustainable Society
- Astudio Cymru Gyfoes
- Ymchwilio i Bobl a Lle

### Y flwyddyn olaf:

- Rheoli'r Amgylchedd Gymreig
- Everyday Social Worlds
- Modern British Landscapes
- The Psychosocial Century
- Cenedlaetholdeb a Chymdeithas
- Traethawd Estynedig Daearyddiaeth

Ewch i'n gwefan i weld y modiwlau dewisol y gallwch eu hastudio i ddatblygu eich diddordebau arbenigol, neu cysylltwch â ni.



**Ar gael hefyd:**  
L703 Blwyddyn integredig mewn diwydiant  
L704 Blwyddyn integredig yn astudio dramor  
L70F Blwyddyn sylfaen integredig

# Daearyddiaeth Ffisegol 42<sup>+</sup> ar gael drwy'r Gymraeg



BSc (Anrh) | F840 | 3 blynedd

Mae ein gradd Daearyddiaeth Ffisegol yn gyfle i astudio'r prosesau sylfaenol sy'n ffurfio ein byd. Mae'r themâu allweddol yn cynnwys newid amgylcheddol Cwaternaid, systemau hydrolegol, prosesau rhewlifol, geomorffoleg, gwyddoniaeth systemau pridd, a dynameg ecosystemau.

Yn fyfyrwr Daearyddiaeth Ffisegol, gallwch hefyd ddewis astudio pynciau rhyngdisgyblaethol eu natur, gan gynnwys cynaliadwyedd a pheryglon naturiol. Mae strwythur y radd yn golygu y gallwch naill ai arbenigo mewn maes penodol neu fynd ar drywydd diddordebau ehangach trwy gydol y cwrs.

Rydym yn cynnig amrywiaeth eang o gyfleoedd gwaith maes, gan gynnwys taith faes lleol yn rhad ac am ddim ar ddechrau'r flwyddyn gyntaf. Yn yr ail flwyddyn, ceir ystod o deithiau i gyd-fynd ag arbenigeddau a chyllidebau amrywiol. Ar hyn o bryd mae teithiau i Eryri (am ddim) a Killarney (am gost ychwanegol). Yn ogystal â hyn cynigir teithiau undydd ar rai modiwlau trwy gydol eich gradd.

Byddwch yn elwa o:

- astudio cwrs sydd wedi'i achredu gan y Gymdeithas Ddaearyddol Frenhinol (ar y cyd â Sefydliad Daearyddwyr Prydain)
- cyfleusterau gwych i wneud gwaith dadansoddi cemegol a ffisegol mewn labordy, a mynediad at y pecynnau diweddaraf ym maes synhwyro o bell a meddalwedd GIS
- cael eich dysgu gan ymchwilyr sy'n arwain y byd yn eu meysydd trwy gydol eich cwrs.

## Cyflogadwyedd

Mae cyflogadwyedd wedi'i wreiddio yn ein holl gyrsiau. Mae ein graddedigion yn hyblyg ac yn gallu dibynnu ar set o sgiliau trosglwyddadwy mewn economi fyd-eang sy'n newid yn gyflym. Mae graddedigion y cwrs hwn, er enghraifft, wedi dod o hyd i waith fel ymgynghorwyr amgylcheddol, cynllunwyr, gweithwyr sifil, tirlfesurwyr, ac addysgwyr.

## Ffeithiau Allweddol

**Cynnig nodweddiadol:**  
Pwyntiau tariff UCAS: 120-96  
BR: 30-26

**Pwyslais marcio:**  
65% gwaith cwrs, 35% arholiadau

**Teithiau/gwaith maes:** Oes

## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Earth Surface Environments
- Byw mewn Byd Peryglus
- Life on Earth
- Ymchwilio'r Byd: Casglu a Dadansoddi Data
- Sut i Greu Planed

### Yr ail flwyddyn:

- Geomorffoleg Afonol
- Reconstructing Past Environments
- Chemical Analysis of Natural Materials
- Geographical Information Systems
- Dylunio Ymchwil a Sgiliau Gwaith Maes
- Physical Analysis of Natural Materials
- The Frozen Planet

### Y flwyddyn olaf:

- Rheoli'r Amgylchedd Gymreig
- Applied Environmental Management
- Glaciers and Ice Sheets
- Monitoring our Planet's Health from Space
- Volcanic Activity: Hazards and Environmental Change
- Traethawd Estynedig Daearyddiaeth

Ewch i'n gwefan i weld y modiwlau dewisol y gallwch eu hastudio i ddatblygu eich diddordebau arbenigol, neu cysylltwch â ni.

**Ar gael hefyd:**  
**F845** Blwyddyn integredig yn astudio dramor  
**F846** Blwyddyn integredig mewn diwydiant  
**F84F** Blwyddyn sylfaen integredig



# Gwyddor Daear Amgylcheddol 14 ar gael drwy'r Gymraeg

BSc (Anrh) | F640 | 3 blynedd

Mae tref Aberystwyth wedi'i hamgylchynu gan labordy naturiol gwych sy'n cynnig safleoedd ardderchog i wneud gwaith maes, a bydd ein hadnoddau o'r radd flaenaf yn eich helpu i archwilio sgiliau craidd mewn daeareg a'u cymhwysu i ystod eang o broblemau amgylcheddol.

Byddwch yn astudio'r ddaear fel system unedig, gan archwilio'r rhyngweithio rhwng y ddaear greigiog gadarn (lithosffer) a'r amgylchedd eilaidd sy'n cynnwys yr hydrosffer, y biosffer a'r atmosffer. Bydd y radd hon yn eich hyfforddi i ddatrys problemau a chyfrannu i'r gymdeithas, ac yn creu cyfleoedd gwych ar gyfer eich dyfodol.

Byddwch yn dysgu sgiliau maes a sgiliau ymarferol y gellir eu defnyddio wrth geisio datrys rhai o'r problemau mawr sy'n wynebu ein cymdeithas megis: llygredd sy'n deillio o weithgareddau dynol megis mwyngloddio a chynhyrchu ynni, archwilio safleoedd i ailddatblygu tir neu ddeall ffrwydradau folcanig.

Byddwch yn elwa o:

- gael eich dysgu gan ymchwilyr sy'n arwain ar lefel fyd-eang
- mynediad at gyfleusterau dadansoddi a gydnabyddir gan Gyngor Ymchwil yr Amgylchedd Naturiol (NERC) i gefnogi gwaith prosiect
- cyfleoedd i wneud gwaith maes ym mhob blwyddyn o'r radd gyda themâu fel llygredd amgylcheddol, ynni ac adnoddau
- sgiliau a hyfforddiant proffesiynol trwy gydol eich cwrs gradd.

## Cyflogadwyedd

Mae cyflogadwyedd wedi'i wreiddio yn ein holl gyrsiau. Mae ein graddedigion yn hyblyg ac yn gallu dibynnu ar set o sgiliau trosglwyddadwy mewn economi fyd-eang sy'n newid yn gyflym. Mae graddedigion y cwrs hwn, er enghraifft, wedi dod o hyd i waith fel ymgynghorwyr amgylcheddol, cynllunwyr, gweithwyr sifil, tirlfesurwyr, ac addysgwyr.

## Ffeithiau Allweddol

**Cynnig nodweddiadol:**  
**Pwyntiau tariff UCAS:** 120-96 gan gynnwys C mewn pwnc gwyddonol  
**BR:** 30-26 gyda 5 pwynt mewn pwnc gwyddonol ar Lefel Uwch

**Pwyslais marcio:**  
 65% gwaith cwrs, 35% arholiadau

**Teithiau/gwaith maes:** Oes

## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Earth Surface Environments
- Life on Earth
- Fieldwork Skills
- Ymchwilio'r Byd: Casglu a Dadansoddi Data
- Sut i Greu Planed

### Yr ail flwyddyn:

- Geoscience for a Sustainable World
- Chemical Analysis of Natural Materials
- Geomorffoleg Afonol
- Fundamentals of Geochemistry
- Geographic Information Systems

### Y flwyddyn olaf:

- Environmental Geochemistry and Biogeochemistry
- Applied Environmental Management
- Monitoring our Planet's Health from Space
- Glaciers and Ice Sheets
- Volcanic Activity: Hazards and Environmental Change
- Rheoli'r Amgylchedd Gymreig
- Traethawd Estynedig Gwyddor Daear yr Amgylchedd

Ewch i'n gwefan i weld y modiwlau dewisol y gallwch eu hastudio i ddatblygu eich diddordebau arbenigol, neu cysylltwch â ni.

**Ar gael hefyd:**  
**F642** Blwyddyn integredig yn astudio dramor  
**F643** Blwyddyn integredig mewn diwydiant  
**F64F** Blwyddyn sylfaen integredig.





# Gwyddor yr Amgylchedd 42% ar gael drwy'r Gymraeg

BSc (Anrh) | F750 | 3 blynedd

Mae ein gradd Gwyddor yr Amgylchedd yn edrych ar rai o faterion amgylcheddol pwysicaf ein hoes a'r heriau mae ein cymdeithas heddiw'n eu hwynebu. Rydym yn cynnig cyfle unigryw i chi astudio'r materion hyn yn yr Adran Daearyddiaeth a Gwyddorau Daear yn ogystal ag Adran y Gwyddorau Bywyd, lle cewch eich dysgu gan ymchwilyr sy'n arwain ar lefel fyd-eang.

Mae'r radd yn canolbwyntio ar brosesau amgylcheddol y gorffennol, y presennol a'r dyfodol, a'u rhyngweithio cymhleth â gweithgareddau dynol, ynghyd ag astudiaeth o ymateb cymdeithas i faterion amgylcheddol naturiol a rhai a achoswyd gan bobl, a sut y cânt eu rheoli.

Rydym yn cynnig cyrsiau maes dramor a nifer o gyfleoedd ar gyfer gwaith maes yn lleol, fel y gallwch fanteisio i'r eithaf ar ein lleoliad godidog.

Byddwch yn elwa o:

- labordy arsylwi ar y ddaear, labordy palaeoecoleg, systemau acwariwm ar gyfer organebau'r môr a dŵr crows, labordy microsgopeg a biodelweddu uwch ar gyfer dilyniannu DNA, metabolomeg a phroteomeg, a labordy modelu ar gyfer integreiddio data biolegol yn ofodol ac yn amserol
- cael eich dysgu gan ymchwilyr sy'n arwain y byd yn eu meysydd
- sgiliau a hyfforddiant proffesiynol trwy gydol eich cwrs gradd.

## Cyflogadwyedd

Mae cyflogadwyedd wedi'i wreiddio yn ein holl gyrsiau. Mae ein graddedigion yn hyblyg ac yn gallu dibynnu ar set o sgiliau trosglwyddadwy mewn economi fyd-eang sy'n newid yn gyflym. Mae graddedigion y cwrs hwn, er enghraifft, wedi dod o hyd i waith fel ymgynghorwyr amgylcheddol, cynllunwyr, gweithwyr sifil, trefsurwyr, ac addysgwyr.

## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Earth Surface Environments
- Genetics, Evolution and Diversity
- Fieldwork Skills
- Sut i Greu Planed
- Amrywiaeth Microbau a Phlanhigion
- Ymchwilio'r Byd: Casglu a Dadansoddi Data

### Yr ail flwyddyn:

- Monitro a Microbioleg Amgylcheddol
- Geomorffoleg Afonol
- Dylunio Ymchwil a Sgiliau Gwaith Maes

### Y flwyddyn olaf:

- Applied Environmental Management
- Glaciers and Ice Sheets
- Volcanic Activity: Hazards and Environmental Change
- Environmental Regulation and Consultancy
- Global Biodiversity Conservation
- Freshwater Biology Field Course
- Population and Community Ecology
- Cwrs Maes Ecoleg Ddaearol
- Wildlife Conservation
- Traethawd Hir Gwyddor yr Amgylchedd

Ewch i'n gwefan i weld y modiwlau dewisol y gallwch eu hastudio i ddatblygu eich diddordebau arbenigol, neu cysylltwch â ni.



### Ar gael hefyd:

- F752** Blwyddyn integredig yn astudio dramor
- F753** Blwyddyn integredig mewn diwydiant
- F75F** Blwyddyn sylfaen integredig

## Ffeithiau Allweddol



**Cynnig nodweddiadol:**  
**Pwyntiau tariff UCAS:** 120-96 gan gynnwys C Safon Uwch mewn pwnc gwyddonol  
**BR:** 30-26 gyda 5 pwynt mewn pwnc gwyddonol ar Lefel Uwch.



**Pwyslais marcio:**  
50% gwaith cwrs, 50% arholiadau



**Teithiau/gwaith maes:** Oes

# Seicoleg a Chymdeithaseg 21% ar gael drwy'r Gymraeg

BSc (Anrh) | LC38 | 3 blynedd

Bydd y radd mewn Seicoleg a Chymdeithaseg yn eich galluogi i gysylltu â damcaniaeth ac ymchwil seicolegol ac i archwilio sut y cymhwysir seicoleg i faterion personol a chymdeithasol yn y byd go-iawn. Bydd y cwrs hefyd yn gyfle ichti drafod agweddau personol a chymdeithasol ar brofiad dynol o wahanol safbwyntiau.

Ar y radd hon byddwch yn dysgu sut i bwysu a mesur syniadau, cysyniadau ac ymagweddau yn feiriadol ar draws yr holl bwnc ac o fewn elfennau penodol o Seicoleg a Chymdeithaseg. Bydd y cwrs hefyd yn canolbwyntio ar y cysylltiadau rhwng ymddygiad pobl a'r systemau cymdeithasol ehangach (yn cynnwys cymunedau, dinasoedd, a chenhedloedd) yr ydym yn byw ynddyn nhw. Byddwch yn dysgu sut i ymgymryd ag ymchwil annibynnol, gan gymhwyso ystod o sgiliau yn ymwneud â chasglu, dadansoddi a chyflwyno data. Byddwch hefyd yn dysgu sut i ddefnyddio'r cysyniadau allweddol sy'n gysylltiedig â Chymdeithaseg mewn sefyllfaoedd go iawn, a datblygu eich sgiliau cyflogadwyedd.

Byddwch yn elwa o:

- elwa ar amrywiaeth eang o arbenigedd ymhlith ein staff sy'n weithredol o ran ymchwil
- defnyddio cyfarpar tracio llygaid, electroencefalogram (EEG), ac offer mesur ffisiolegol ac ymddygiadol
- amrywiaeth o ddsbarthiadau ymarferol a goruchwyliaeth wrth gasglu data yn y ddwy ddisgyblaeth
- dysgu yn sgil prosiectau ymchwil byw fydd yn eich galluogi i feithrin dealltwriaeth o'r byd cymdeithasol o safbwynt damcaniaethol ac empirig.

## Cyflogadwyedd

Bydd astudio Seicoleg a Chymdeithaseg yn rhoi ichti sylfaen gadarn i allu ystyried ystod eang o yrfaedd mewn meysydd yn cynnwys y cyfryngau, gwaith cymdeithasol, datblygu rhyngwladol, ymgysylltu â chymdeithas a'r gwasanaeth sifil, ymhlith eraill.

Mae ein graddedigion wedi mynd ymlaen i weithio ym maes yr heddlu, iechyd a gofal cymdeithasol, polisi cymdeithasol (yn cynnwys tai cyhoeddus, gwaith cymdeithasol, gweinyddu llywodraeth leol, a'r sector gwirfoddol), rheolaeth, newyddiaduraeth, cysylltiadau cyhoeddus, dysgu ac ymchwil.

## Ffeithiau Allweddol



**Cynnig nodweddiadol:**  
**Pwyntiau tariff UCAS:** 120-96  
**BR:** 30-26



**Pwyslais marcio:** 40% gwaith cwrs, 60% arholiadau



**Teithiau/gwaith maes:** Nac oes

# Troseddeg a Chymdeithaseg

BSc (Anrh) | ML93 | 3 blynedd

Bydd y radd BSc mewn Troseddeg a Chymdeithaseg yn eich galluogi i ddysgu am y cysyniadau sy'n allweddol i ddeall sut mae trosedd a gwyredd yn cael eu hystyried gan gymdeithas. Cewch gyfle i archwilio natur ryngddisgyblaethol trosedd, troseddiaeth a chymdeithas yn ogystal â'r berthynas rhwng cymdeithas a throsedd.

Bydd y cynllun gradd hwn yn rhoi dealltwriaeth fanwl ichi o'r gymdeithas a throseddu, a bydd yn eich cyflwyno i safbwyntiau newydd ar anghydraddoldeb cymdeithasol a newid cymdeithasol sy'n digwydd yn lleol ac yn rhyngwladol.

Trwy roi golwg fanwl ar droseddeg o safbwynt cymdeithasegol, bydd ein gradd yn rhoi ichi'r wybodaeth ddatblygedig a'r sgiliau dadansoddi sydd eu hangen er mwyn gweithio yn y sectorau cyhoeddus a chymdeithasol, yn ogystal â'r system cyfiawnder troseddol. Mae hefyd yn fan cychwyn gwych ar gyfer astudiaethau pellach.

Byddwch yn elwa o:

- gael eich dysgu gan droseddegwyr sy'n weithgar ym maes ymchwil
- y cyfle i wneud profiad gwaith ym maes cyfiawnder troseddol
- elwa o'n cysylltiadau cryf ag asiantaethau cyfiawnder troseddol lleol
- ymgymryd ag ymchwil annibynnol ym maes troseddeg dan oruchwyliaeth.

## Cyflogadwyedd

Mae Troseddeg a Chymdeithaseg yn cynnig sail academaidd ragorol ar gyfer gyrfaoedd yn y sector cyfiawnder troseddol, yn cynnwys yr heddlu, Gwasanaeth Carchar EF, y Gwasanaeth Prawf Cenedlaethol, a chyfiawnder ieuencid. Gall cyflawni'r radd hon hefyd gynnig cyfleoedd i weithio ym maes dadansoddi trosedd neu gudd-wybodaeth, gofal cymdeithasol a gwaith cymdeithasol.

## Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

### Y flwyddyn gyntaf:

- Rheoli ac Atal Troseddu
- Sgiliau Hanfodol ar gyfer Troseddegwyr
- Cyflwyniad i Droseddeg
- Key Concepts in Sociology
- Place and Identity
- Thinking Sociologically

### Yr ail flwyddyn a'r flwyddyn olaf:

- Sociological Theory
- Genders and Sexualities
- Traethawd Estynedig Empeiraidd neu Draethawd Estynedig y Gyfraith a Throseddeg
- Troseddeg Feiriadol a Radical

Mae'r modiwlau dewisol y gallwch eu hastudio i ddatblygu eich diddordebau arbenigol yn cynnwys:

- Placing Culture
- Lleoli Gwleidyddiaeth
- Geographical Information Systems
- Psychopathology
- Community Justice
- Everyday Social Worlds
- Memory Cultures: Heritage, Identity and Power

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

## Ffeithiau Allweddol



**Cynnig nodweddiadol:**  
Pwyntiau tariff UCAS: 120-96  
BR: 30-26



**Pwyslais marcio:**  
100% gwaith cwrs neu 50% gwaith cwrs a 50% arholiadau



**Teithiau/gwaith maes:** Nac oes

# Graddau Cyfun

Pwnc	Ar gael gyda...	Gradd Gyfun
Daearyddiaeth	Cymraeg	LQ75
Daearyddiaeth Ffisegol	Cyfrifiadureg	FG84
	Mathemateg	FG81





# Astudio trwy gyfrwng y Gymraeg

Yma ym Mhrifysgol Aberystwyth rydym yn cynnig llawer o gyfleoedd i astudio trwy'r Gymraeg, ac mae ein darpariaeth cyfrwng Cymraeg ymhlith yr ehangaf yng Nghymru.

Mae'r Adran Ddaeryddiaeth a Gwyddorau Daear yn rhoi'r cyfle i bob myfyriwr astudio rhan o'u cwrs yn Gymraeg trwy gynnig nifer o fodiwlau y gellir eu hastudio'n rhannol neu'n gyfan gwbl trwy gyfrwng y Gymraeg. Mae'n bosib i chi astudio modiwlau yn Gymraeg hyd yn oed os ydych yn astudio yn Saesneg yn bennaf, a gallwch ddewis cyflwyno'ch gwaith cwrs yn Gymraeg hefyd.

Rydym yn cynnig cyfleoedd i fyfyrwr sy'n rhugl yn ogystal ag i'r rhai sy'n llai hyderus neu'n ddysgwyr. Mae'r modiwlau israddedig yn amrywio o gyrsiau sy'n cynnig ambell fodiwl trwy gyfrwng y Gymraeg, i eraill lle mae modd astudio'r cwrs cyfan yn Gymraeg.

Addewidion Aber yw ymrwymiad Prifysgol Aberystwyth i ddatblygu darpariaeth cyfrwng Cymraeg yn dilyn cyhoeddi Strategaeth Academaidd Cyfrwng Cymraeg y Brifysgol. Dyma'r cynllun mwyaf cynhwysfawr o'i fath gan unrhyw brifysgol yng Nghymru.

Mae'r addewidion yn nodi'r hyn sy'n arbennig am Aberystwyth a sut mae'r Brifysgol yn cynnig profiad Cymraeg cyflawn, gan gynnwys:

- cyfleoedd hyblyg i astudio trwy gyfrwng y Gymraeg ym mhob adran
- gwarant o Diwtor Personol sy'n siarad Cymraeg
- profiad gwaith dwyieithog
- gwarant o lety cyfrwng Cymraeg
- cefnogaeth i ddysgu neu wella'ch Cymraeg
- arian yn eich poced am ddilyn rhwng 5 a 40 credyd yn Gymraeg
- aelodaeth o UMCA am ddim
- gofod ar gyfer cymdeithasau Cymraeg.

# Cyflogadwyedd

Hoffem weld pob un o'n myfyrwr yn mynd ymlaen i wireddu popeth yr oedden nhw'n dymuno ei wneud. Dyna pam rydym yn sicrhau bod pob ymdrech yn cael ei gwneud i'ch helpu i godi'ch sgiliau i wneud hynny yn ystod eich amser gyda ni.

Drwy gydol eich gradd byddwn yn datblygu ymwybyddiaeth gyrfa, ac mae'n cyrsiau i gyd yn helpu'r myfyrwr i feithrin y sgiliau y mae eu hangen yn y gweithle modern.

Ar ben hyn, mae'r opsiynau ar gyfer blwyddyn integredig mewn diwydiant ar ein cynlluniau gradd Daearyddiaeth, Daearyddiaeth Ffisegol, Daearyddiaeth Ddynol, Gwyddor yr Amgylchedd, Gwyddor Daear Amgylcheddol a Chymdeithaseg yn eich galluogi i brofi'r gweithle yn ystod eich blwyddyn mewn diwydiant. Bydd myfyrwr y cyrsiau hyn yn ymgymryd â'r flwyddyn mewn diwydiant yn ystod y drydedd flwyddyn gan ddechre i gwlblhau'r radd ym Mhrifysgol Aberystwyth yn y bedwaredd flwyddyn.

Mae menter unigol, trafodaethau grŵp a sgiliau arwain yn cael eu hybu drwy amryw o gyfleoedd a ddarperir mewn darlithoedd, seminarau, tiwtoriau, llyfrgelloedd, y maes a lleoliadau ymarferol.

Mae graddedigion diweddar wedi mynd i weithio mewn i amryw o yrfaoedd, gan gynnwys ymgynghori amgylcheddol lleol a rhanbarthol, cynllunio a datblygu, teithio a thwristiaeth, llywodraeth leol, addysg ac estyn allan, newyddiaduraeth a gyrfaoedd yn y gwasanaeth sifil.



# Ymchwil

Cewch eich dysgu gan ymchwilwyr sy'n arwain y byd yn ystod eich amser yn Aberystwyth. Mae'n staff ni'n arbenigwyr ar draws ystod eang o feysydd mewn daearyddiaeth ddynol, daearyddiaeth ffisegol, gwyddor amgylcheddol, Gwyddor Daeare a chymdeithaseg. Maent yn gweithio ar draws nifer o grwpiau ymchwil penodol: Canolfan Rewlifeg; Daearyddiaeth Ddiwylliannol a Hanesyddol; Arsylwi ar y Ddaear a Deinameg Ecosystemau; Prosesau Wyneb y Ddaear; Newid Amgylcheddol Cwaternaid; Cymdeithas, Gofod, a Lle; a'r Ganolfan Ryngdisgyblaethol Microbiolog Amgylcheddol a Geocemeg.

Mae 95% o'r ymchwil yn yr Adran Daearyddiaeth a Gwyddorau Daeare yn arwain y byd neu'n rhagorol yn rhyngwladol (REF 2021), gan ddynodi ansawdd ac ehangder y gwaith ymchwil a wnawn. Un o nodweddion allweddol yr ethos 'addysgu ar sail ymchwil' yn Aberystwyth yw y byddwch yn cael cyswllt rheolaidd ag arloeswyr ac arweinwyr cydnabyddedig yn eu priod feysydd. Mae hyn yn sicrhau eich bod yn agored i'r syniadau academaidd diweddaraf mewn darlithoedd, tiwtorialau, seminarau a chyrtsiau maes israddedig drwy gydol ein rhaglenni.

**CHERISH (Hinsawdd, Treftadaeth ac Amgylcheddau Riffiau, Ynysoedd a Phentiroedd):** prosiect a ariannwyd gan yr UE a anelodd at gynyddu gwybodaeth a dealltwriaeth o effeithiau newid hinsawdd (yn y gorffennol, y presennol a'r dyfodol agos), rhagor o stormydd a digwyddiadau tywydd eithafol ar dreftadaeth ddiwylliannol riffiau, ynysoedd a phentiroedd moroedd rhanbarthol Cymru ac Iwerddon, gan gynnwys hefyd y Comisiwn Brenhinol, y rhaglen Discovery ac Arolwg Daearegol Iwerddon. Gweler:

[cherishproject.eu](http://cherishproject.eu) [f](#) CHERISH Project [X](#) @CHERISHproj

**RIPFISH (Rift Propagation For Ice Sheet models):** Nod y prosiect hwn a ariennir gan NERC yw ateb cwestiynau ynghylch yr ansicrwydd ynghylch codiad byd-eang yn lefel y môr sy'n gysylltiedig â sgafelli iâ Antarctica. Mae'r prosiect yn asesu prosesau hollt a rhygiad ia mewn rhewlifoedd sy'n arwain at ddadelfennu sgafelli iâ, nawr ac yn y dyfodol. Mae'r ymchwil yn dod ag ymchwilwyr blaenllaw o ar draws Cymru ynghyd o Brifysgolion Aberystwyth ac Abertawe.

[www.aber.ac.uk/en/dges/research/centre-glaciology/](http://www.aber.ac.uk/en/dges/research/centre-glaciology/)

[f](#) AUCfG [X](#) @AU\_CfG

**Global Mangrove Watch:** Mae mangroffau ffyniannus yn allweddol i iechyd natur a gweithredu hinsawdd effeithiol. Mae'r cydweithrediad hwn rhwng ymchwilwyr Aberystwyth a'r International Water Management Institute, Nature Conservancy, Solo Earth Observation a Wetlands International wedi creu llwyfan ar-lein sy'n darparu'r data synhwyro o bell a'r offer ar gyfer monitro mangroffau sydd eu hangen ar gyfer hyn. Mae'n rhoi mynediad cyffredinol i wybodaeth bron mewn amser real ar sut a ble mae mangroffau'n newid ledled y byd ac yn amlygu pam eu bod yn werthfawr.

[www.globalmangrovetwatch.org](http://www.globalmangrovetwatch.org) [X](#) @GlobalMangroves


**Coastal Uplands Heritage and Tourism (CUPHAT):** Dangosodd y cydweithrediad hwn rhwng ymchwilwyr mewn daearyddiaeth, gwyddorau bywyd ac astudiaethau busnes yn Aberystwyth a Choleg Prifysgol Dulyn ac Ymddiriedolaeth Archeolegol Dyfed dreftadaeth naturiol a diwylliannol ardaloedd ucheldir arfordirol Iwerddon a Chymru, gan gynnwys drwy ddefnyddio llwyfannau digidol newydd. Nod y prosiect oedd cynyddu mathau cynaliadwy ac adfywiol o dwristiaeth yn yr ardaloedd hyn, gan arwain at greu bywoliaethau, cymunedau ac amgylcheddau mwy cynaliadwy.

<https://coastaluplands.com/> [X](#) @CUP\_HAT\_

[f](#) Coastal Uplands: Heritage and Tourism (Cuphat)

**WISERD Civil Society:** Fel rhan o'r ganolfan ymchwil hon a ariennir gan yr ESRC, mae daearyddwyr dynol Aberystwyth wedi cydweithio â daearyddwyr, economegwyr a chymdeithasegwyr ym mhrifysgolion Bangor, Caerdydd ac Abertawe a Phrifysgol Technoleg Queensland i archwilio strwythurau nawdd elitaidd mewn sefydliadau cymdeithas sifil, llwybrau gweithredu amgylcheddol yn y DU ac Awstralia, a her pegynnu gwleidyddol mewn cymunedau lleol.

[www.wiserd.ac.uk](http://www.wiserd.ac.uk) [f](#) WISERDNews [X](#) @WISERDNews





# Cyfleoedd byd-eang

Mae tîm Cyfleoedd Byd-eang Aberystwyth yn cynnig ystod gyffrous o opsiynau i chi fynd dramor yn rhan o'ch gradd: o gyrsiau byr a chyfleoedd gwirfoddoli yn yr haf, i semester lawn neu flwyddyn dramor yn astudio mewn prifysgol sy'n un o'n partneriaid.

Os byddwch yn dewis astudio gyda blwyddyn integredig dramor, mae'r Brifysgol yn eich galluogi i astudio am un neu ddau semester yn ystod eich trydedd flwyddyn, gan ddychwelyd i Aberystwyth ar gyfer eich blwyddyn olaf ac i raddio.

Dengys adroddiadau bod myfyrwyr sy'n astudio dramor yn fwy deniadol i gyflogwyr ac yn ennill mwy o arian na'u cyfoedion. Beth felly am fanteisio ar gyfle anhygoel a gwella eich sgiliau holl bwysig ar yr un pryd trwy ddewis astudio dramor?



Hong Kong



Canada



Awstralia



Washington, DC



Norwy



# Y broses ymgeisio

## 1 Gwnewch gais trwy UCAS.com

Gwiriwch y dyddiad cau UCAS ar UCAS.com. Cod sefydliad Prifysgol Aberystwyth: A40  
COFIWCH: Cewch rif UCAS 10 digid. Cadwch hwn wrth law oherwydd gofynnir am y rhif nifer o weithiau.

## 2 Bydd y Brifysgol yn ystyried eich cynnig

COFIWCH: Defnyddiwch Hwb UCAS i gadw llygad ar eich cais. Yn Aberystwyth rydym yn ceisio gwneud penderfyniad o fewn saith diwrnod.

## 3 Bydd y cynnig i'w weld ar Hwb UCAS

Bydd penderfyniad y Brifysgol yn cael ei ddangos ar Hwb UCAS - os ydych wedi derbyn cynnig, fe fyddwch yn gallu gweld pa raddau sydd angen arnoch i sicrhau eich lle.

## 4 Penderfynwch ble i fynd

Pan fyddwch wedi cael eich holl gynigion, bydd angen i chi benderfynu i ba brifysgol yr hoffech fynd, o fewn amser penodol. Dyma pryd y bydd angen i chi nodi pa brifysgolion fydd eich dewisiadau Cadarn ac Wrth Gefn.

## 5 Llety


Pan fyddwch wedi gwneud eich dewis Cadarn/Wrth Gefn gallwch wneud cais am lety.

## 6 Diwrnod y canlyniadau

Bydd Hwb UCAS yn dangos os yw eich lle wedi'i gadarnhau gyda'ch Dewis Cadarn. Os nad ydych wedi cael y graddau yr oeddech yn gobeithio, gallwch ystyried gwneud cais drwy Glirio.

## 7 Dechreuwch bacio!

Cofiwch gadw llygad ar eich e-byst am wybodaeth am eich diwrnod cyntaf a'r gweithgareddau croeso.



Adran Daearyddiaeth a  
Gwyddorau Daear,  
Prifysgol Aberystwyth,  
Adeilad Llandinam,  
Campws Penglais,  
Aberystwyth, SY23 3DB

+44 (0)1970 62 2606

dgostaff@aber.ac.uk

/AU Geography & Earth Sciences

@AU\_DGES

Wedi'u dylunio a'u cynhyrchu gan  
Marchnata Byd-eang a Denu Myfyrwyr,  
Prifysgol Aberystwyth 2024.



Argraffwyd ar bapur  
wedi'i ailgylchu 100%